



Erik Jensen, inatsisartunut ilaasortaq, Siumut  
Inatsisartut@inatsisartut.gl

## **Timmisartunik angalanermi akit aammalu assartukkanik isumaginnittarnerit pillugit § 37 naapertorlugu apeqqummut 2026-063-mut akissut**

Ulloq:28-05-2026  
Suliap normua: 2026 - 7602  
Akt-id:26402870

Asasara Erik Jensen

Timmisartunik angalanermi akit aammalu assartukkanik isumaginnittarnerit pillugit Inatsisartut Suleriaasissaanni § 37 naapertorlugu Naalakkersuisunut apeqquteqarsimavutit. Apeqqutitit uannit akisassanngorlugit innersuunneqarput. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

Postboks 909  
3900 Nuuk  
Oqa.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqu 1: Ukiuni kingullerni timmisartumik angalanerup akisuallaarujussualerneranut Naalakkersuisut isumaqataappat?**

Akissut: Timmisartunik angalanermi akit innuttaasunit amerlasuunit akisugineqarnerat Naalakkersuisut paasilluarsinnaavaat. Taamaattorli kiffartuussinissamut isumaqatigiissummik aallaavillit aammalu angallaviit niuernermik aallavillit immikkoortinneqartariaqarput.

Kiffartuussinissamut isumaqatigiissummit aallaavilinnut akigitinneqartartut sullissinissamik isumaqatigiissummi akigitinneqartussatut sinaakkutissatut isumaqatigiissutigineqarsimasut aallaavigalugit aalajangersarneqartarput.

Angallavinnili niuernermik aallaavilinni akit ingerlatseqatigiiffimmit niuernikkut pissutsit aallaavigalugit aalajangersarneqartarlutik. Angallavinni niuernermik aallaavilinni akigitinneqartut Naalakkersuisunit allanngortinneqarsinnaannatillu aalajangersaaffigineqarsinnaanngillat.

Naalakkersuisut akissuteqarnissaminut atatillugu Air Greenland A/S-imiit ilanngussassanik piniartoqarpoq, taannalu paasissutissiivoq:

*"Pissutsit ingerlatseqatigiiffimmit aqunneqarsinnaanngitsut pissutigalugit Air Greenlandimi aningaasartuutaasartut annertuseriarujussuarsimapput. Ingerlatseqatigiiffiup aningaasarsiorfissatut pisariaqartitaasa saniatigut pissutsit allat akinut sunniuteqartarput arlaliupput. Pissutsit allat tassaasinnaallutik*

- Orsussat akiisa ineriartorneri
- Kingoraartissat akiisa ineriartorneri
- Kinguaattoornerit taamaatitsiinnarnerillu pissutigalugit aningaasartuutaasartut. Soorlu 2025-mi sila pissutigalugu timmisartuusinissaraluanik taamaatitsiinnartarnerit amerlasimapput taamaatitsiinnartarnernullu aningaasartuutit ilaasup ataatsip

*billitsimut akiliutaasa 15 %-erisimallugu. Kinguaattoornerit taamaatitsiinnartarnerillu pissutigalugit 2025-mi ilaasumut ataatsimut aningaasartuutit 2023-mi aningaasartuutaasarsimasut marloriaatigilersimavaat.*

- *Mittarfinnut akitsuutit allanngorneri*
- *Timmisartuuisarnerit isorartussusaasa allanngorneri*
- *Akissarsianut aningaasartuutit*

*Assersuutigalugu, Kalaallit Nunaanni avataani angalasartut Nuummur imaluunniit Nuuk aqquṭigalugu angalanerminni bilitsit akii qaffasinnerulersimapput, Nuup mittarfiata ammarnarata kingorna Kangerlussuarmut sanilliullugu Nuummur timmisartukkut angalasarneq ungasinnerulersimammat.*

*Nuup Mittarfiata Dash-8-inik nunatsinni namminermit timmisartuusiffiusarnerta killilersuiffigineqarnerata kingunerisaanik issiaviit tuniniarneqarsinnaasut ikinnerulersimapput taamaasillunill inissat annikillisimallutik. Tamanna bilitsit akiinut sunnuteqarsimavoq bilitsimmi akikitsut nungulertorneqartarmata".*

## **Apeqquṭ 2: Bilitsit akitsorujussuarnerisigut innuttaasut nunatsinni najugallit ilumut angalanerulernissaat Naalakkersuisut naatsorsuutigaat?**

Akissut: Kiffartuussinissamut isumaqatigiisummik aallaavilinnut akigitinneqartartut sullissinissamik isumaqatigiisummi akigitinneqartussatut sinaakkutissatut isumaqatigiisutigineqarsimasut aallaavigalugit aalajangersarneqartarput. Taamatut periuseqarnermi ilaatigut siunertaavoq angallaviusartuni niuernermit aallaavilinnit timmisartuusiffiusinnaanngitsuni angalasinnaanissamut tunngavissiiinissaq periarfissiiinissarlu.

Niuernermit allaaveqarluni timmisartuusiffiusartuni angalanissani akit ineriartorneri, timmisartumik angalarusuttut amerlassusaat inissallu apeqquṭaasarput. Taamaattumik angalarusuttut amerlassusaa timmisartornermilu akit imminnut attuumassuteqarsinnaaneri Naalakkersuisut akerrilersinnaanngilaat. Ineriartorneq eqqarsaatigalugu ilutigalugu eqqaamaneqassaaq Kalaallit Nunaanni timmisartuuisarnerit nutaamik aqqissuunneri aatsaat atuutiteqqammermata ungasinngitsukkullu aatsaat tamakkiisumik malinneqarnerulersussaammat. Ilaasut amerlassusaanut kisitsisit pigineqarallartut naapertorlugit timmisartunik angalasartut amerleriarujussuarsimapput. Kalaallit Nunaanni Naatsorsueqqissaartarfik naapertorlugu nunanut allanut timmisartuuisarnerit aalajangersimasut aqquṭigalugit angalasartut 2025-imi 2024-mut sanilliullugit 18,2 pct.-imik amerleriarisimapput. 2026-mi qaammatini siullerni marlunni ukiup siuliani qaammatinut marlunnut siullernut sanilliullugit ilaasut 21,9 pct.-imik amerleriarisimapput.

Timmisartumik angalanermit akit innuttaasut angalarusussusaanut qaqugu sunnuteqalerumaarnersut taamaammat oqaatigineqarsinnaanngikkallarpoq. Mittarfittaat aallaavigalugit angallasseriaasissat nutaat eqqukkartorneri eqqarsaatigalugit ilaasut amerlassusaasa ineriartorneri, piginnaasat timmisartuuseriaatsillu Naalakkersuisut malinnaaffiguassavaat.

**Apeqquut 3: Imaluunniit bilitsit akitsorujussuarnerinut atorfimminnut atatillugu angalasut takornarissallu kisimik angalanissaat isaatitsissutissatut isumalluutigiarneqarpat?**

Akissut: Timmisartunut ilaasut eqqarsaatigalugit atorfimmut atatillugu angalasartut takornariallu kisimik angalasarnissaat Naalakkersuisut anguniagarinnngilaat.

Mittarfiup nutaap attaveqaasersuutillu allanngortinnerisa kingunerisaanik innuttaasut nikissinnaanerit pitsanngoriassaaq angalasinnaanissamullu periarfissaat annertusillutik. Tamatumuuna ilaasut amerleriarnnerisa kingunerisaanik timmisartuuisarnerit amerlineqarsinnaalissapput akulikillineqarlutilluunniit. Takornariat sulinernullu atatillugu angalasartut attaveqaasersuutit pioreersut atorluarnissaanut iluaqutaapput, taamaattumik innuttaasut angallanneqarnikkut tikikkuminassusiata salliuqqannginneranik isumaqartitsinnngilaq.

**Apeqquut 4: Innuttaasut nunatsinni najugallit nunatta iluani avataanullu allatuulli angalasinnaasariaqaraluarnerat Naalakkersuisut qanoq aqutissiuunniarpaat?**

Akissut: Kiffartuussinissamut isumaqatigiissutit attaveqaasersuutit atorlugit innuttaasut akuttunngitsumik nalinginnaasunillu akkinnerusumik angalasalernissamik siunertaqarput. Ineriartorneq eqqarsaatigalugu Kalaallit Nunaanni mittarfiit nutaat pilersinneqarnerisa kingorna aatsaat atuutsilersikkartorneri ilanngullugit isiginiarneqartariaqarput.

Inuiaqatigiit aningaasaqarnerat pillugu misissueqqissaartarsimanagerit takutippaat tamanna angalasarnerit sivikillineqarneranik nunat allanit tikikkuminarnerulernermik, takornariartartut amerlanerulerneranik, inuussutissarsiutinik ineriartortitsinermut pitsaasumik kiisalu timmisartuuisarnerit unammilleqatigiifiulernissaasa tunngavissaqarnerulerneranik kinguneqassasoq. Timmisartumik angalanermi akit innuttaasut angalarusussusaanut qaqugu sunniuteqalerumaarnersut taamaammat massakkuugallartoq oqaatigineqarsinnaanngilaq.

**Apeqquut 5: Timersortartut ullumikkorniit akikinnerusumik siunissami angalasinnaalernissaat anguniarlugu, Timersornermut Naalakkersuisup, Air Greenland ataatsimeeqatigisimanerlugu?**

Akissut: Akissut Ilinniartitaanermut, Kultureqarnermut, Timersornermut Ilageeqarnermullu Naalakkersuisumit, Nivi Olsenimit ilanngussassanik piniartoqarpoq, taannalu paasissutissiivoq:

*"Naalakkersuisup susassaqtartut soorlu Air Greenland peqatigalugit ajornartorsiut ukioq manna eqqartorniarpaa kattuffiillu timersornermik ingerlataqtartut peqatigalugit pimoorullugu timigissaatigalugulu timersortartunut aaqqiissutissarsiorluni oqaloqatiginnittarnini nanginniarpai. Timersortartunut atugassaritat angalasinnaanissaanullu periarfissat pitsanngorsarnissaat suliassani pingaartinneqassapput."*

Apequtigisannut akissutissaqarumalluni Air Greenland A/S-imut oqaaseqaatissarsiortoqarsimavoq, taakkulu ilisimatitsissutigaa:

*"Timersortartunut, kulturikkut ingerlatsisunut nunatsinnilu pisussanik aaqjissuisartunut angalaniarnermi aningaasartuutaasartut qaffakkiartorneri Air Greenlandimit eqqumaffigineqarput. Ingerlatseqatigiiffiup inuiaqatigiinnut pisussaaffiatut timersortartut, kulturimik ilinniakkanillu ingerlatsisut Ilik-tunisassiaq aqqutigalugu Air Greenlandimit tapersorsorniarnegarpoq.*

*Iliki CSR-iusoq-suliniutaavoq piffissami timmisartuni inissaqarfiulluartartuni issiavinnut atorneqanngitsunut timersoqatigifinnut, kulturimik ingerlatsisunut atuaqatigiinnut, ilinniartunut peqatigiiffinnullu kajumissuseq atorlugu ingerlanneqartunut 75% angullugu akikillisaaffigineqarsinnaasoq. Aaaqqissuusaq Timersoqatigiit Kattuffianit kattuffinniillu timersornermik ingerlataqartunit atorluarnegarpoq, taakkulu kaammattuutigaat pisussat siusinaarluni pilersaarusiortarnissaanik atugassarititat pitsaanerpaatinniarlugit.*

*Air Greenlandip naatsorsuutaasigut takuneqarsinnaavoq ilik 2023-mit 2025-mut aalajaatsumik annertuumillu atorneqartarsimasoq. Ilik aqqutigalugu akikillisaatinik atuneq annertuserujussuarsimavoq 2025-milu 13 mio. kr. pallillugit tassunga atorneqarsimallutik, taassumalu takutippaa nunarput tamakkerlugu aaqjissuusanut ataatsimoorfiusussanut angalanermi aningaasartuutaasartut appasinnerpaatinnissaanik suliniuteqarneq annertusisimasoq.*

*Ilik aqqutigalugu sullinneqartartut amerlisissinnaajumallugit Air Greenland i 2025-imi timersornermik ingerlataqartunik inuinnarnillu suleqatigiinnissamik isumaqatigiissuteqarsimavortaaq. 2026-imi suleqatigiinnissamik isumaqatigiissuteqarfigisat amerleqqippit sulilu amerleqqissinnaanissaat sulissutigineqarluni. Suleqatigiinnissamik isumaqatigiissutit siunertaraat naatsorsuutigineqarsinnaallutillu periarfissalinni timersortartut aaqjissuisuisullu angalasinnaanissaanut periarfissiinissaq piffissami sivisuumi atuuttussamik isumaqatigiissuteqarnikkut."*

**Apeqqut 6: Ukioq manna nunatta sineriiaani (Nuup avataani pisuni) pissartanngorniunnerni pisortatigoortuni aammalu Avannaata qimussersuaqarnerani kiisalu Arctic Circle Race-mi Naalackersuisut sorliit peqataaffigivaat?**

Akissut: Akissut Ilinniartitaanermut, Kultureqarnermut, Timersornermut Ilageeqarnermullu Naalackersuisumit, Nivi Olsenimit ilanngussassanik piniartoqarpoq, taannalu paasissutissiivoq:

*"Naalackersuisut ukioq manna Nuup avataani pisortatigoortumik pissartanngorniuttoqarnerani peqataatitaqanngillat, tassunga ilanngullugit Avannaata Qimussersuanut Arctic Circle Racemullu. Avannaata Qimussersuanit qaaqquusissut piffissaq kingullerpaaq atorlugu tiguneqarsimavoq tamatumalu maliitsigisaanik peqataanissamut periarfissaqarsimagani angalanissamut periarfissaqartoqarsimanngimmat. Arctic Circle Race eqqarsaatigalugu qaaqquusissummik pisortatigoortumik tigusaqartoqarnikuusimanngilaq."*

**Apeqquut 7: Timersortartut ullumikkornit akikinnerusumik siunissami angalasalernissartik timersortartut naatsorsuutigissavaat?**

Akissut: Akissut Ilinniartitaanermut, Kultureqarnermut, Timersornermut Ilageeqarnermullu Naalakkersuisumit, Nivi Olsenimit ilanngussassanik piniartoqarpoq, taannalu paasissutissiivoq:

*"Timersortartut angalanermi aningaasartuutigisartagaasa qaffasinnerisa kingunerisaanik unammilligassaqartarnerat Naalakkersuisut paasilluarsinnaavaat. Siunissamili angalasarnissani akikillisaataasinnaasunik Naalakkersuisut massakuugallartoq tikkuusisinnaanngikkallarput. Naalakkersuisut pisut malinnaaffigeqqissaarpaat suliniutaasinnaasullu ukkatariuassallugit soorlu aningaasaliissutaasartut allanngortinngikkaluarlugit unammersuariaatsit allanngortissinnaaneri tikikkuminarsarlugit timersortartullu atugaasat pitsanngorsarnerisigut."*

**Apeqquut 8: Angalanerup akitsorujussuarnera pissutigalugu kulturikkut aaqqissuunneqartartut (Arctic Sounds) siunissami Nuup avataani piviusunngunngitsoortartalernissaat Naalakkesuisut ernumanartutut isiginngilaat?**

Akissut: Akissut Ilinniartitaanermut, Kultureqarnermut, Timersornermut Ilageeqarnermullu Naalakkersuisumit, Nivi Olsenimit ilanngussassanik piniartoqarpoq, taannalu paasissutissiivoq:

*"Angalanerit akisunerujussui pissutigalugit Nuup avataani kulturikkut aaqqissuusat soorlu Arctic Sounds – piviusunngunngitsoortarsinnaaneri Naalakkersuisut ernumanartutut isigaat. Tamanna nunarsuatsinni massakkut pissutsinik aallaaveqarpoq orsussanummi akit qaffariarujussuarnerisa akigitit qaffakkiartornerat malitsigisaanik angallassisarnerni aningaasartuutaasartut qaffassimapput, illoqarfiit anginerit avataaniinnerusut kulturikkut ingerlanneqartartunut sunniuteqartumik.*

*Aaqqissuisut inissisimanerat Naalakkersuisut paasilluarsinnaavaat kultureqarnermullu tunngatillugu sinaakutissatut atugassaritit aaqqiiffigisinnaajumallugit susassaqartunik soorlu Air Greenlandimik oqaloqateqarnermi tapersersuillutik peqataassallutik."*

**Apeqquut 9: Timmisartumik assartukkat/nassiussat sapaatip akunnerini arlalinni tikinniartarnerat Naalakkersuisuniit qanoq nalilerneqarpa?**

Akissut: Allakkat nassiussallu tiguniartarnerisa utaqqinarnerujussui Naalakkersuisunit arajutsisimaneqanngilaq, unammilligassallu aaqqiiffigisinnaajumallugit ingerlatseqatigiit assartuinerimik pilersuinermillu ingerlatqartut ingerlaavartumikk oqaloqatigisarlugit.

Apeqputigisannut akissutissaqarumalluni Air Greenland A/S-imut oqaaseqaatissarsiortoqarsimavoq, taakkulu ilisimatitsissutigaa:

*"Innuttaasut, suliffeqarfiit oqartussallu nassiussat allakkallu tiguniartarnerisa siviluallaarnerinik pakatsisimanagerat Air Greenlandimit paasilluarneqarsinnaavoq. Timmisartuuseriaatsinut nutaanut ikaarsaariarnerup kingorna unammilligassaalersut aaqqiiffigisinnaajumallugit Air Greenland ilungersortluni sulisimavoq. Ajornartorsiutit massakut misigineqartut pingaartumik Tasiilami silamik teknikkimilluunniit pissuteqaratik allanik aallaaveqarput."*

**Apeqput 10: Silaannakut nassiussanik/assartuussineq angallassineq Naalakkersuisut iluarisimaarpaat?**

Akissut: Assartukkat tiguniartarnerisa utaqqinartarneri pissusissamisuunngillat taamaattumillu ingerlatseqatigiiffiit suleqatigalugit timmisartukkat nassiussisarnerup ineriartornera Naalakkersuisunit malinnaaffigineqarpoq.

**Apeqput 11: Silaannakut nassiussanik/assartukkanik angallassineq suli ajornartorsiutaasimappat, tamatuma aaqqinneqarnissaa sooruna taamak ajornartigisoq?**

Akissut: 10-mi apeqputigineqartumut akissut takuuk.

**Apeqput 12: Naalakkersuisut isumaqarpat Nuup avataaniittut piffissarujussuaq nassiussanik tikittoorniartarnerat, utaqqisinneqartarnerat Air Greenland-ip naammassisinnaagaa?**

Akissut: 9 aamma 10-mi apeqputigineqartunut akissutigineqartut takukkit.

**Apeqput 13: Naalakkersuisut nassiussalerineq ingerlatseqatigiiffimmiit allamiit ingerlanneqalersinnaanerani isumaliuteqarpat? Taamaassimappat suna qaqugulu?**

Akissut: Timmisartunut nassiussat pillugit suliniuteqartoqarnissaa massakkuugallartoq pilersaarutigineqanngilaq.

Neriuppunga matuma qulaani apeqputitit akineqarsimassasut.

Inussiarnersumik Inuulluaqqusillunga

  
Iddimangjuu Jensen Bianco